

ديوان

حسبة ثانية

محمد عمر السنوطي



سنابل الكتاب

٥ ش صبرى أبو علم
باب اللوق - القاهرة

الإدارة:

(+٢٠٢) ٢٣ ٩٢ ٦٥ ٩٣

(+٢٠٢) ٠١٠٠١٠٩٤٣٠٢

المكتبة:

(+٢٠٢) ٢٣ ٩٣ ٥٦ ٥٦

E-mail

Sanabil_bookshop90@yahoo.com

Ahmed_mmorgan@yahoo.com

Face: sanabil bookshop

المدير العام

أحمد مرجان

اسم الكتاب:

حسبة ثانية

المؤلف :

محمد عمر السنوطي

الغلاف:

محمد سيد حسن

رقم الإيداع: ٢٠١٧/٢٩٣٩٨

الترقيم الدولي: 8-61-5047-977-978

حقوق الطبع محفوظة

مقدمة

مضى نحو عام منذ صدور ديواني الأول (موقع إباحي) والذي اقتصرَت قصائدهُ على معظم القصائد العامية ذات الاتجاهات السياسية والاجتماعية والفكرية، التي بدأتُ نشرها منذ عام 2013.

واليومَ أطلُ مرةً أخرى على القاريء بعمل جديد من خلال هذا الديوان - (حِسبة ثانية) - والذي قررتُ أن يكون رومانسياً خالصاً يشتمل على 32 قصيدة عامية، نشرتُ معظمها في وقت سابق، ثم أجريتُ عليها لاحقاً الكثير من التعديلات، بالحذف قليلاً وبالإضافة كثيراً وبالاستبدال غالباً، لأصل في النهاية إلى الشكل واللفظ والمعنى الذين ارتضيتهم تماماً لكل قصيدة - حتى الآن على الأقل - بعد إعادة النظر فيها مراتٍ ومراتٍ.

وأجد نفسي مضطراً - مجدداً - إلى أن أشير إلى النهج الذي اتبعته في كتابة هذه القصائد من الناحية الإملائية. فالعامية لا تخضع لقواعد إملائية قاطعة ومتفق عليها مثل الفصحى، حتى وإن شاعت فيها طريقة كتابة بعض الكلمات، مقابل عدم شيوع طريقة أو أخرى لكتابة نفس الكلمات.

وبحسب نهجي هذا، قمت بفصل واو العطف عن الكلمة المعطوفة، حتى لا تختلط واو العطف بأصل الكلمة، وذلك على عكس القاعدة في العربية الفصحى حيث تتصل واو العطف بأصل الكلمة المعطوفة. وعمدت أيضاً إلى التمييز بين حرف الألف المقصورة (ي) والذي يُنطق ألفاً مثلما في كلمتي (بقي - على)، وحرف الياء (ي)، بزيادة نقطتين تحت الحرف السابق، كما هي القاعدة في الفصحى. وحال ورود حرف الألف (الهمزة) في بدايات الكلمات، كتبتُ الحرف في بعض المواضع بهذين الشكلين (أ-إ) بوجود علامة الهمزة (ء) تحت أو فوق حرف الألف، للتدليل على أن الحرف يُنطق همزة قطع يظهر فيها نُطق الهمزة بوضوح كما في كلمة (أمل). وفي بدايات كلمات أخرى، كتبتُ حرف الألف بالشكل (ا) بدون علامة الهمزة، للدلالة على أن الحرف يُعامل معاملة همزة الوصل، أي أنه لا يُنطق، أو يُنطق نطقاً غير واضح - بحسب ما يقتضي وزن السطر الشعري. وعند انتهاء الكلمة بحرف الألف، كتبته أحياناً بالشكل (ا) وأحياناً أخرى بالشكل (ي) كألف

مقصورة، ولم تكن هناك قاعدة معينة أستطيع الاستناد إليها في اختيار هذا الحرف أو ذاك، سوى اقتراب طريقة كتابة الكلمة (العامة) من طريقة كتابتها بالفصحى، أو مما هو شائع في كتابتها بالعامة. وكتبْتُ كلمة (كَت) في بعض المواضع، اختصاراً للكلمة (كانت)، كما يقتضي الوزن الشعري. وعلى ذكر الاختصار، اختصرت أيضاً حرفي الجر (في - على) في بعض المواضع ليكونا (ف-ع)، في مراعاة للوزن الشعري. وعند تناوُع حرفي (لام) عندما تكون الكلمة متبوعة بلام الجر المتصلة بضمير، كتبت الحرفين حرفاً واحداً مقروناً بعلامة تشديد فوق الحرف كما في كلمتي (قالي - أقولهُ) واللذان هما في الأساس (قال لي - أقول له). وبشكل عام، فلام الجر المتصلة بضمير من الضمائر، دائماً ما أكتبها موصولة بالكلمة التي تسبقها ليشكّل ذلك كلمة واحدة كما في (مكتوبله .. والتي تعني مكتوب له، إذا أردنا إيضاح المثال من خلال الفصحى). وتخرج عن قاعدة دمج حرفي اللام المتتابعين كلمة (الي)، حيث كتبتُها بهذا الشكل - بكتابة حرفي لام متجاورين دون دمج الحرفين والاستعانة بالشدة - جرياً على الشائع في كتابة هذه الكلمة بين الناس. وتسري قاعدة مشابهة على كلمة (بيننا)، حيث دمجت حرفي النون في حرف واحد فوقه علامة الشدة (ـن) لشكّبت الكلمة (بيننا). حرصت أيضاً في كثير من المواضع على إبراز الكسرة أو الفتحة المقترنة بنطق بعض الحروف، لأهمية ذلك في تحديد اختصاص

الكلمة بالمؤنث أو المذكر، ولا سيما إذا ما احتوت القصيدة الواحدة على كلمات تشير إلى المؤنث وأخرى تشير إلى المذكر، وتظهر الفتحة فوق الحرف أو فوق علامة التشديد في حالة وجود علامة التشديد، أما الكسرة فتظهر تحت الحرف أو تحت علامة التشديد الموجودة فوق الحرف. ويسير النهج الإملائي للديوان على هذه القواعد، وما عدا ذلك مما (قد) يستنتجه القاريء من شذوذ عنها، فليس سوى سهو حرصت قدر استطاعتي على تلافيه من خلال مراجعات كثيرة.

وكل ما ذكرته في الفقرة السابقة - والتي كان طولها لازماً من وجهة نظري - إنما يأتي في إطار حرصي على وضوح النص قدر الإمكان أمام القاريء، لأن نطق حروف معينة - وبخاصة الهمزة أو الألف في بداية الكلمة - يؤثر على وزن السطور الشعرية وعلى سلاسة تناول القاريء للقصيدة بشكل عام، في ظل أن القاريء لا يسمع إلقاء الشاعر للقصيدة المقروءة وإنما يتناولها من خلال قراءة حروف كلماتها.

في نهاية هذه المقدمة، أرجو أن يكون هذا العمل مصدراً إثراء وإمتاعاً للقاريء، وإضافة جديدة إلى بناء الشعر العامي المصري.

محمدر عمر السنوطي

الجيزة - ديسمبر 2017

حِسْبَة تَانِيَة

لَمَّا جِيت يَوْمَهَا أَقُولُكَ
تَقْبِلِي اِنْكَ تَبْقِي لِيَا ؟
عَنْدِي إِيهْ أَوْ إِيهْ هَجِيْبِلِك
هِيَّهْ دِي .. كَانَتْ الْقَضِيَة

كَانَ مَعَايَا حَاجَات تَهْمُكْ
كُنْتِي عَاجِبَانِي وَبِحَبِّكَ
كَنْتُ أَنَا بَرْدُو الْي عَاجِبِكَ
وَالْي مَالِي عَلِيْكَ قَلْبِكَ

تَعْرِفِي إِيهْ فَيَا أَثَرُ ؟
إِنِّي مَا كُنْتُشْ مِقْصَّر
كَانَ مَعَايَا الْي يَكْفِي
بَسْ كُنْتِي عَايِزَة أَكْثَر

كُنت قَادِرَ عِ الْبَدَايَةِ
وَالِي كَانَ لَازِمَ لَزُومِ
إِيْدِي عَلَى إِيْدِكَ مَعَايَا
كُنَّا هِنَطُولُ النُّجُومِ

مَهْمَا مُمَكِّنَ يَبْقَى عِنْدِكَ
لَوْ تَكُونِي لِحَدِّ تَانِي
فَيْنَ مَكَانِهِ جُودًا قَلْبِكَ ..
إِلَيَّ هِيَعَوَّضَ مَكَانِي؟

فِي حَاجَاتِ غَالِيَةِ فِ حَيَاتِنَا
مِشْ بِنَقْدَرُ نَشْتَرِيهَا
لَوْ نَفُوتَهَا .. أَوْ تَفُوتَنَا
صَعْبَ مِن تَانِي نَلَاقِيهَا

أصل قلبك.. شكله لعبة
والي يدفعك .. ينوها
إنتي بتبيعي المحبة
زي كلمة .. مش هقولها

الزمن دا قالها حكمة :
المشاعر مش مهمة
بالي تقدر تشتريه
تبقى ليك قيمة ولازمة

مش هلومك في اختيارك
دي حياتك.. ده قرارك
مش هحدد ليكي هدفك
مش هحدد لك مسارك

ما تخافيش خالص عليّا
لِسّه أحلامي ف إيديّا
بُكره يبجي اليوم وهَلقى
إلي تحسب حسبة تانية

واحدة تانية هبقى ليها
كُل حاجة وروحها فيّا
حِسبة تانية هبقى فيها
أسوى كُـل الدنيا ديّه .

مش بالساهل

مش بالساهل كده هتاخدني
لازم من نفسي تخطفني
لازم بكلامك تسحرني
وبكل كياني تأسّرني

لازم .. أسهر بيك مشغولة
ولا لحظة انساك كده بسهولة
ألقاك حاجة مش معقولة
واحد غير كل الي قابلني

لازم .. أفضل ليك مشدودة
وابقى بوجودك موجودة
ومشاعري ليك مش محدودة
حاجة أكبر مني بتدفعني

لازم تتعذّب في فراقك
توصّف ليّا نار أشواقك
تنادينني صباحك و مساءك
على بابي دائماً مستنّي

لازم ادوق عطفك و حنانك
و تورّيني بردو جنانك
تزرعني وردة ف بستانك
وايديك تُحضّني و تقطّفي

لازم لو هزعل .. تراضيني
ما تأخرش .. أوام و تحييني
و بأيّ طريقة تخلّيني ..
أرضى و اسمحلك تصالحيني

لازم لَمَّا اسكُت .. تتكلم
وتعدّي عليّ وتسلم
وتلاحظ بردو وتتعلم
إزّاي من لمحّة .. تفهمني

يمكن علشان انا أمّورة
عايزة حبيبي يملا الصورة
إوعى لتحسبني مغرورة
مش كده خالص .. لو تعرفني.

في المَعَادِي

(قصة حب نُسَجَّتْ خيوطُها الأولى في مترو الأنفاق)

من بعيد ولقيتها جايّة
وف دلال قَعِدَتِ قُصَادِي
في الجمال أجمل حُورِيّة
مستحيل دا يبقى عادي

هِيَّه قَعِدَتِ .. كُنْتُ جاهِز
نظرة حلوة ورُحت غامِز
ضحكت الحلوة وبَصَّتْ
بابتسامة ووشّ نادي

قُلْتُ انا : لو بعد إذنك
نفتح الشبّاك دا جنِيك
النسيم صافي ودافي
والنهاردة جَوْه هادي

فَتَحَتِ الشَّبَّاءُ وَقَالَتْ :

كَمْ مَحْطَةُ الْوَقْتِ فَاتَتْ؟

كُنْتُ أَنَا مَشَّاءٌ وَاحِدَةً بَالِي

أَصْلُ أَنَا نَازِلَةُ الْمَعَادِي

قُلْتُ أَنَا : وَلَا شَيْءَ يَهْمُكَ

لَمَّا نَوَصَّلَ .. هَبَقِي أَقُولُكَ

أَصْلُ أَنَا .. هَنَزْهَا زَيْكَ

عِنْدِي مَشَوَارٍ فِي الْمَعَادِي

كِدْبَةُ جَتِّ عِ الْبَالِ فِي ثَانِيَةِ

كَانَ مَعَادِي فِي حِجَّةٍ ثَانِيَةِ

بَسْ إِلَيْهِ الْيَاسِرُ هَيَجَرِي؟

مَشَّاءٌ مُهِمٌّ يَضِيعُ مَعَادِي

بان عليها و بان عليًا
ملت ليها و مايلة ليًا
شفتها .. قُلت : الي هيّه
جَت أوام خطفت فؤادي

حِلَم عمري .. أهوهُ قُبالي
إلي انا رسمتُه ف خيالي
كان بعيد و الوقتي جالي
لازم انزل المعادي.

إِرَّايَ أَسَاحُحُهُ

كنت اتمنّى انه ينكر
مع إني بعيني شُفْتُهُ
ما حاولش حتى يكذب
إِرَّايَ هَقْدَرُ أَسَاحُحُهُ؟

شكيت فيه من زمان
كان في علامات كتيرة
لجل الحب الي كان
بسكُت وانا كُلي غيرة

على نفسي ضحكت ياما
قُلت : بلاش الظنون
دا بقلبه وعقله ليكي
عمره ما يقدر يخون

جَه وقت .. و گان اُکید ..
من و رایا کتیر بیحصل
و ما کانش داشیء جدید
و اخترت حیاتنا تَکْمَل

قُلْتُ : یا بت انتی .. إهدی
عایز یثبت رجولتُه
نزوة و أوام تَعَدّی
وانتی الباقیة حبیبته

صُدفة و شفته .. مَعاها
عینُه سارحة ف عینِها
روحُه دایبة ف هواها
إیدُه بتحضن إیدِها

الشك .. خلاص .. حقيقة

شايفها خلاص بعيني

يعني لا كان ظلم مِنِّي

ولا كِدبت فيه ظنوني

بعد بعيني ما شفتُه

كان لازم اواجهه هُوَا

وصدمني لَمَّا سألته

ببساطة .. قَالِي : أَيُوا

مش هقدر اقول صريح

صادق في الغدر مثلاً؟

لو كان صادق صحيح ..

طب ليه كان خاني أصلاً؟

فيكي بفكر

وَسِگْتُ وَاَنَا بَتَكَلَّمْ
فِي عَيْنِيهَا رُحْتَ ادْوَر
قَالَتْ : فِين رُحْتَ مِني؟
عَقْلَكَ رَاح فِين يَفْكُر؟

عَارِفَةُ أَنَا لِيه بَفْكُر؟
فِيكِي بَفْكُر يَا سَكْر
مِين غَيْرِك تَانِي يَقْدَر..
عَلَى أَفْكَارِي .. يَأْثُر؟

سَارِح فِي جَمَال مَلَامِيك
اللَّهُ ! يَامَا حَلُو رَسِيك
عَسُولَةَ انْتِي .. وَحَلُوة
زَيِّ الْقَمَرِ الْمُنُور

هايم في عيون كحيلة
ألوان صافية وجميلة
نظراتهم مستحيلة
بمعاني كثير تعبّر

إيدك نايمة ف إيدياً
لو تعرفي .. الي بيّا !!
إحساسي ما يتوصفشي
فوق ما العقل يتصوّر

ألحان بسمعها .. صوتك
حتى همسك .. سكوتك
ليهم أنغام رقيقة
يسمعها القلب يسّكر

و تقولي ف إيه بفكر؟

و ف إيه غيرك هفكر؟

دا لساني سكت لأنه..

ميش لاتي كلام يعبر.

خطوة جد

كُنت هَسْتَنَّاكَ بِجَدِّ
لو في يوم اديتني وَعَدُ
كنت طُول عُمري هعيشلك
ما التفتش لأَيِّ حَدِّ

عِشت طُول عمري .. بِحَبِّكَ
مُخلصة .. دايماً لِحُبِّكَ
إِنْتَ و لا يوم كان يَهْمُكَ
عُمُر يَجْري .. سَنين تَعُدُّ

يا ما قُلْتَ كَثير : بِحَبِّكَ
فَرِحَتي دايماً في قُرْبِكَ
بس عُمري ما يوم سَمِعْتَكَ
قُلْتَلي على خُطوة جَدِّ

كُلُّ شَرَطٍ عَلَيْهِ وافقت
قُولِي إِيهِ مِنْكَ طَلَبْتُ؟
كُنْتُ إِيهِ مِسْتَنِّي تَانِي؟
قُولِي إِيهِ خَلَّاكَ وَقِفْتُ؟

هُوَ قَالِي أَنَا لِيَكِي جِيت
يَلَّا نِينِي حَيَاةٍ وَبَيْت
تَفْتِكِر.. أَنَا لَو رَضِيت..
أَبْقَى بَعْتَ هَوَاكَ وَخُنْتُ؟

مَشْ أَقْلَ ف حَاجَةٌ مِنْكَ
حَتَّى ظَلَمَ أَنْ قُلْتُ زَيْكَ
جَائِي دُوغْرِي وَجَدَّ عَنَّاكَ
يَجْرِي إِيهِ لَو لِيهِ سَمِعْتُ؟

الحقيقة الي ف عينًا
إنَّه هُوَا .. أُولَى بِيَا
وَأَنْكَ أَنْتَ لِعَبْتِ بِيَا
وَأَنْ أَنَا ضَيَّعْتُ وَقْتُ

الحياة أيامَ قَلِيلَةٍ
فِيهَا أَحْلَامُنَا الْجَمِيلَةَ
غَلَطَةُ لَوْ كَدَهُ وَبُسْهُولَةَ
يَتَسَرَّقُ مِنْ أَيِّ حَدٍّ.

مِستَنِّي رَدِّكَ

رُحَيْلِكَ وَبِقَوْلٍ : بِحَبِّكَ
قُلْتُ : سَيَبْنِي شَوِيَّةَ أَفْكَرٍ
عَدَّتْ الْأَيَّامَ وَرَدَّكَ
طَالَ عَلَيْهِ صَبْرِي.. وَأَخَّرَ

شَوْقٍ كَبِيرٍ شُفَّتُهُ فِ عَيْنِي
مِنْ زَمَانٍ كَانَ بَيْنَادِينِي
رُحْتُ لِيكِ .. بَيْنَ إِيْدِيكِ
بَطْلُبُ أَنَّاكَ .. تَقْبَلِينِي

جِيتْ خِلَاصَ وَ لِحْدَ عِنْدِكَ
وَبُصْرَاحَةَ أَنَا قُلْتُهَا لِكَ
كَلِمَةً عَايزَ اسْمَعَهَا مِنْكَ
أَيَّ كَلِمَةً تَكُونُ فِي بَالِكَ

بان عليكي أنّك موافقة
لَمَّا كَلَّمْتِكَ سَاعَتَهَا
قُلْتِي : افكّر.. قُلْت: سيّبا
في الدلال تاخذ راحتها

إنّتي كنتي موافقة فعلاً
زَيّ ما حَسَّيت دا مَنّك؟
وَلَا كنتي رافضة لكن ..
إِخْتَفَى عن عقلي قصيدك؟

هُوّا انا كُنْتُ ف خيالك ..
زَيّ انا ما كنت حاسب ؟
وَلَا غيري كان في بالك ..
وَحُساباتي رقمها سالب ؟

لو حبيب غيري .. في قلبك
قولي أيّوا .. وبُصراحة
لو معاه هتلاقي راحتك
راحتك انتي .. ليّا راحة

فسرّيلي ليه سكوتك ؟
الكلام دلوقتي عندك
إلي عندي قُلتَهوَلِك
بس انا مِسْتَنِي رَدّك .

قلبي داعيلك

كُلُّ مَرَّةٍ .. لَمَّا اقَابِلِك
بَلَمَحِكَ وبقول: يا بَخْتِكَ
مَش حَسَدٌ وَلَا غَيْرَةَ مِنْكَ
بَس كَانَ نَفْسِي ابْقَى زِيَّكَ

مِنْ سِنِينَ فَاتَتْ طَوِيلَةَ
بِفَتْكِرِ أَيَّامٍ جَمِيلَةٍ
كَتْ خِيَالٍ مِنْ أَلْفِ لَيْلَةٍ
لَمَّا كُنْتَ زَمَانٍ فِي سِنِّكَ

كُنْتُ لَسَّهُ صَغِيرَةً
وَرَدَةَ حِلْوَةٍ مَنْوَرَةٍ
وَيَّا وَاحِدٍ كَانَ حَبِيبِي
زَيِّ مَا صَاحِبِكَ دَا حَبَّكَ

حَبَّنِي .. لكن مفيش
الهوى ما ييشتريش
سابني في الآخر وقالِي :
جَرَّي مع غيري حَظَّك

عَدَّت الأيام بتجري
إتسرق من حُضني عمري
وَأَمَّا يوم مِنِّك بيهَرَب
مستحيل يرجع لِعُمرك

فين حبيب يَدِّيني حُبُّهُ ؟
أعشقه وأعيش في ضِلُّهُ ؟
فين ولد يجري يقوِّلِي :
إفتحيلي يا ماما حُضنِك ؟

قلبي من جُواه داعيلك
يختلف عن جيلي جيلك
تفرحي وتعيشي عُمرِك
مع حبيبك الي حَبَّك.

مش مفتون بيكي

مَحْتَاجَةٌ تَسْمَعِي مِنِّي كَلَامَ
عَلْشَانِ أَشِيلَ عَنْكَ أَوْهَامَ
وَيَا رَيْتَ تَقْدَّرِي وَتَقُولِي
إِنِّي قَصَدْتُ .. أَوْعِيكِ

مش قد كده مفتون بيكي
ولا عيني هايمه ف عينيكي
ولا عقلي دايماً طول الوقت
سارح وبيفكر فيكي

أوقات بتيجي على بالي
وساعات بشوفك في خيالي
لكن دا كله مش معناه
إني بعيش واحلم بيكي

جائز في أوقات كلمتك
جائز كمان يوم حنيتك
لكن مفيش يوم عشتك
إني بغرام .. مستنيكي

يمكن مفاجأة ماهيش سارة
وصراحتي جائز كت مرة
لكن هتفهمني وتحسي
إن الحقيقة احسن ليكي

ما توقفيش قلبك عندي
هتمر أيام وتعددي
وساعتها هبقى خلاص ماضي
نسيانه بقي سهل عليكي

في الدنيا دي دائماً نِنسى
و يوم نَحْب و يوم نَقسى
مش هبقى أكثر من ذكرى
و هبقى قلبك ف إيديكي.

زَيِّ مَا قُلْتِيكَ

خَانِكَ وَبَاعِكَ زِي بَرَدُو مَا قُلْتِيكَ
سَابِكَ لَوْحِدِكَ وَف عَيْنِيكَ دَمْعَتِكَ

قَالَكَ أَنَّكَ كُلُّ حُبِّهِ
وَأَنَّكَ الْكَوْنُ وَالْوُجُودُ
مَهْمَا يَحْصُلُ .. جُؤَا قَلْبِهِ
حُبُّ مَكْتُوبِلُهُ الْخُلُودُ

قَالَكَ أَنَّكَ حَاجَةٌ تَانِيَّةٌ
وَأَنَّهُ بِيَحْبِّكَ بِجَدِّ
عَيِّشِكَ أَحْلَامَ وَدُنْيَا
وَأَتَّفَقَ عَلَى أَلْفِ وَعْدٍ

عَدَّتْ الأيام يَأْلَفُ
كل يوم في كلام جديد
وَأَمَّا كدْبُهُ بيان .. بيحلف
إِنَّ ظَنِّكَ مش أكيد

لَمَّا فَكَّرْتِيهِ بحكايتي
قَالَكَ اني جرحت .. بعث
قال على خيانتُهُ .. خيانتني
وَأَنِّي ياما كثير ظَلَمْتُ

أَسْطَوَانَةٌ قَالَهَا لِيَا
قَالَهَا بَرْدُو لِيَّ قَبْلِي
هِيَ نَفْسُ التَّمْثِيلِيَّةِ
وانتي بطلة جديدة بعدي

أصل ده .. أصله وطبعه
كل يوم .. واحدة و حكاية
قلبه في خيانتة .. مطاوعه
حاجة بتسلي .. وهواية

كُنت صادقة كثير معاكي
لَمَّا عَنْهُ جِيت حَكَيْتِلِك
بس ما سمعتيش كلامي
و افتكرتي دي غيرة مِنِّكَ

مش بلوم أوفيكى بَشَمَت
بس لازم كنت اقولِّك
و آجي علشان ليكي أثبت
إِنَّ قَصْدِي كَانَ نَصِيحَتِكَ

.....

إنسي أيامك معاه
حُطِّي للأحزان دي حد
بُكره تَدِّيكي الحياة
إلي هيحبك بجَد

الحياة دي ياما فيها
إلي بيخون و إلي يجرح
بس بردو هنلقى فيها
إلي جنبه أكيد هنفرح.

لَجَلْ خَاطِرُكَ

قَبْلِكَ انْتِي مَا كَتَشْ فَارَقَة
شْيْء يَضِيعْ أَوْ حَاجَة تَبْقَى
بَس لَمَّا ف يَوْم عِرْفَتِكَ
كُل شْيْء بَقِيَ قِيَمَتُهُ أَكْبَر

إِنْتِي نَوْرِكَ جَهْ كَشْفَلِي
إِلَيَّ عَنِّي مِسْتَحْيِي
شُفْتَ عَالَمْ شَكْل تَانِي
فِيهِ سَعَادَة وَلَوْنُهُ أَخْضَر

دَا إِلَيَّ خَلَّانِي .. أَقَرَّر
إِنِّي مِنْ نَفْسِي .. هَغَيَّر
لَمَّا حَاجَة هَتَبْقَى صَعْبَة
لَجَلْ خَاطِرِكَ لَازِمْ أَقْدَر

أَيَّ حَدِّ وَفِيهِ عَيُوبُ
بَسْ مُمَكِّنْ يَوْمَ يَتُوبُ
مِنْ جَدِيدٍ هَبْدًا حَيَاتِي
طِفْلَ قَلْبِهِ جَدِيدُ صُغَيْرٍ

مَشْ مُهِمِ الْوَقْتِ إِيَّاهُ
بُكَرُهُ نَتَحَاسِبُ عَلَيْهِ
نَاوِي أَبْدَأُ عُمُرَ تَانِي
بَسْ مَحْتَاجُ حَدِّ يَصْبُرُ

هَجْتِهْدُ... هَتَعَبُ... هَكَافِحُ
هَتَشُوفِينِي شَخْصَ نَاجِحِ
هَتَشُوفِينِي بَسْتَحِقُّكَ
وَفْ عَيْنِيكِي هَبْقَى أَكْبَرِ

الظروف لو هتعاندي
هَلَقِي حُبَّكَ بيساعدي
إنتي طُول ما هتَبْقِي جنبي
كل حاجة تهون و تَصْغَر

مش كلام و خلاص.. بأُغْدِ
خَلِّي بُكْرَه عَلَيَّا يشهد
وانتي هتقولي.. بنفسك
إِنِّي جَد و مش بِهِزَّر

بَوْعِدِكَ.. إِنِّي هكُونِلِكَ
إِلِي يَمَلَا عَلِيكِي قَلْبِكَ
و الي دايماً يَبْقَى جَنبِكَ
و الي مَا ف غَيْرِكَ يَفْكَرْ

إنتو حبايب

كُنت بَتَكَلِّم معاها ..
كُت حزينه وشايلة مِنِّكَ
كان كلام مُرّ وأذاها
مش هقول كان غَضَب عَنْكَ

يعني إيه تَغَضَّب و تَغَلَط ..
بالكلام الي انت قُلْتَهُ؟
كُنت يعني انت هتسكُت ..
لو كلام زِيَّه و سَمِيعَتُهُ؟

إنت شايف إنَّ غَضَبَكَ
يبقى عُذر لَأَيِّ غَلْطَةٍ؟
حتى لو يَجْرَح حبايبَكَ
أوهيتسبَّب في ورطَةٍ؟

إنت بتقول الأصول
لَمَّا تَزَعَلْ .. هِيَّهْ تَعْقَلْ
بس مين يقدر يقول
لو تهينها .. هِيَّهْ تقبل ؟

إلي بردو عرفته منها
إنّ دي مش مَرَّةٌ أولى
مسألة .. إناك تهينها
عادة عَندَكَ .. وبُسهولة

بس تعرّف .. دايبة فيك
رغم كل زَعَلِها مِنّاك
عايزة تَطْمَنَّ عليك ..
إنت عامل إيه لوحداك ؟

و انت اهوه.. باين عليك
مش سعيد بردو بزعلها
و حزن فراقها جُؤا عينيك
حتى لو مكسوف تقولها

دي الحقيقة.. انتو حبايب
و انتو حتى زعلانين
ليه حبيب عن حُبّه غايب؟
ليه في قلب يبات حزين؟

لازم انت الي تصالحها
لو هتتحايل عليها
انت بردو أكيد جارحها
مش حرام لما تراضيها.



دي حقيقتك

في الحياة بنشوف مواقف
فيها بتبان المعادين
تلقي نفسك فيها شايف
إلي عمره ما كانش باين

فيها بتبان الحقيقة
إلي أيا منا .. داريتها
والي كانت يوم بريئة
يطلع الغدر .. هوايتها

ياما قلتي وياما عدتي
إن إخلاصك أكيد
وانك انتي واقفة جنبي
مهما يحصل شيء جديد

كانت الأيام سعيدة
والحياة حلوة ف عَيْنينا
كل يوم أحلام جديدة
والسما مفتوحة لينا

فجأة تبدّل ظروفي
والقى فيكي طبع ثاني
بعد أمني يبجي خوفي
وانتي بتزيدي ف هواني

فيّا ظهرتلك عيوب
عُمري يوم ما سمعت عنها
ولقتيلي كتير ذنوب
كُنّتي ساكتة وشايلة منها

هُوّا فين .. راح فين وفائك..
إلي ياما جِلّفتي بيه؟
والي دايمًا كان كلامك..
كُلّه بياكُدد عليه؟

هُوَ لَمَّا الْحَظ فَاتَنِي ..
إِلَيَّ بَيْنًا عَلَيَّكَ هَايِن ؟
وَالْقَى أَقْرَبَ حَدِّ مَنِّي ..
كَانَ أَسَاسًا حَدِّ خَايِن ؟

الْحَقِيقَةُ إِنِّي اتَّصَدَمْتُ
عُمْرِي مَا اسْتَنْتَيْتُ دَا مَنَّكَ
بَسْ بَرَدُوا أَكِيدُ عَرَفْتُ
إِنَّ هَيْهَ .. دِي حَقِيقَتِكَ

إِلَيَّ مِش دَائِمًا مَعَايَا
فِي الْحَلَاوَةِ وَفِي الْمَرَارَةِ
لَوْ خَسَرْتُهُ .. مِش حِكَايَةِ
تَبَقَى دِي أَحْسَنَ خَسَارَةٍ.

هبدأ و اصالحك

لو هنحسب كل حاجة
الغلط مش عندي .. عندك
بس انا مش شايقة حاجة
لو بدأت و جيت اصالحك

إنت روجي فيك و عقلي
لو بتسأل تبقى مين
يبقى زعلك هُوّا زعلي
مش مُهم الغلطة فين

مش هقول إيه يعني يزعل
مش هطاوع كبريائي
مهما نزعل .. مهما يحصل
حُبنا هُوّا الي باقي

إِحْتِمَال فِي حَاجَات قَدِيمَة
شِلْتَهَا وَكَاتِم فِي قَلْبِكَ
بَس دِي اللَّحْظَة إِلِي فِيهَا
إِنْفَجَرَ عِنْدَكَ وَغَضَبَكَ

هَتَعَاتِبَنِي .. تَحْتَ أَمْرِكَ
قُولِي عَلَى غُلْطِي وَتُؤْمِنِي
بَس إَوْعَى يَوْم فِي عَمْرِكَ
تَنْسَى حُبِّي وَتَخَاصِمَنِي

عُمْرِي مَا أَزْعَلَ مِ الْعِتَابِ
لَوْ تَشَوْف فِ عِتَابِي رَاحَة
مَش هَقُول : لِحْظَة حِسَابِ
لَا هَقُول : لِحْظَة صِرَاحَة

لحظة مش هتهون عليّا
واحنا بينّا خصام و بُعد
أحلى تَبَقَى اللحظة ديّه
واحنا أحباب جنب بعض

إنت أغلى حاجة ليّا
ممکن اتنازل عشانها
بس روعي تَبَقَى فيّا
ساكنة مرتاحة ف مكانها.

إيه يا ضرسِي؟

إيه يا ضرسِي ..؟

إيه يا ضرسِي ..؟

جايّ اهوه .. و عليك بَمَسِّي

قُولِي إيه كان بس مِنِّي ..

لَمَّا تَزْعَل و تَخَاصِمَنِي ..

و ف يَوْمِين أَلَمَك قَاتِلَنِي ؟

طَبْ جَاوِبَنِي ..

قُولِي .. فِيدَنِي ..

أَعْمَل ايه .. طَبْ .. و تصالحني ؟

السُّوسَايَة وَشِلَنَهَا لَكَ
طَرِبُوشَايَة وَجِبِنَهَا لَكَ
قُولِي إِيه تَانِي وَ صَارِحْنِي

و السُّوسَايَة .. مَش بِخَاطِرِي
جَت فِي جِسْمَكَ غَضَب عَنِّي
كَلْت حِلُو كَتِير .. سَا مِحْنِي

دَا أَنْتَ تَبْقَى حَتَّة مِني
وَف مَكَانَكَ زِي إِبْنِي
لِيه مَغْلَبْنِي وَ تَاعِبْنِي ؟

يَا مَا رُحْنَا كَتِير عَزَايِم
يَا مَا كَلْت مَعَاكَ وَ لَايِم
عَنْد حَمْدِي وَ عَنْد حُسْنِي

ياما قُلت : دا ضرس عُول
لحمة يطحن .. عدس .. فُول
عُمُرُهُ ما يهْمُهُ .. مساعدني

مش شايفها بردو عيب ؟
لَمَّا بيقولِي الطيب :
إنتِ ضرسك مش عاجبني

ليه تَشَمَّت فينا شامِت ؟
ليه تَدْخَل بينَّا تالِت ؟
يوجعك و يقوم واجِعي ؟

بُصِّ لآخواتك و شوفهم
كُلهم قاعدين في حالهم
مرتاحين و مَرَّحِينِي

دا الي بهدلته و كسرتُه
إتحشى و خلصت حكايتُه
عُمره ما زيَّك .. حاسِبي

الحكاية فيها إنَّه ؟
واقع انت ف حُب سِنَّه ؟
قُلْت جَارها يروح ناقلني ؟

طب هنعِمِل بس إيه ؟
صعب دا الي بتحكي فيه
مش هينفَع .. غَصَب عَنِّي

مش هنتكَلِّم كثير
إنت بردو ليك ضمير
و انت بالتأكيد حاسِسي.

هقولك رأيي

لو هتسمّع مِنِّي رأيي:
مستحيل دي تنفعك
لو هقولك حاجة تانية
أبقى بكذب و اخدعك

إنتو مختلفين يا صاحبي
بينكم اختلافات و بُعد
مش هجامل .. مش هخبي
دا انتو يمكّن عكس بعض

و الحكاية مش اختلاف
الاختلاف واردة عادي
بس هيّه تبقى حاجة
وانت خالص.. حاجة تاني

هِيَّهَ حَالَة وَ اَنْتَ حَالَة
بَس هِيَّهَ عَاجِبَهَا حَالَهَا
مَش هَتَتَغَيَّرَ عَشَانْكَ
مِنْ يَمِينَهَا تَرُوح شِمَاهَا

أَيُّوَا فِي إِعْجَاب مَا بَيْنَكُم
بَس إِعْجَاب بِالْمَلَامِخ
بَس لَمَّا نَشُوف حَيَاتَكُم
نَلْقَى فَرْقَ كَبِير وَ وَاضِح

لَمَّا دِي هَتَعِيش مَعَاهَا
لَا زِمَ الْخَلَافَات هَتَحْصَل
إِلَي تَهَوَاه مَش هَوَاهَا
وَ الْحَيَاة بَيْنَكُم هَتَفْشَل

عارف ان ما بينكو حُب
نقطة بردو في اعتباري
بس أحياناً نَحْب..
والبُعاد يبقَى اضطراري

في النهاية .. ده قرارك
وانتَ جازِز أدرى بيها
إنتَ يَمُكِن بردو شايف
إلي غايِب عَنِّي فيها.

من غير ما تهينيني

كُنْتِي مُمَكِّن تَرْفُضِينِي
بَسْ مِنْ غَيْرِ مَا تَهِينِينِي
وَبِكَلَامِكَ تُصَدِّمِينِي
وَفَ مِشَاعِرِي تَجْرَحِينِي

لَمَّا أَوَّلَ مَرَّةٍ شَفَيْتِكَ
كُلَّ إِحْسَاسِي انْجَذَبْتُ إِلَيْكَ
رُحْتَلِكِ قَرَّبْتُ مِنْكَ
قَبْلَ مَا أَعْرِفُ حَاجَةَ عَنَّاكَ

وَأَمَّا قُلْتُ فَيَوْمَ بِحَبِّكَ
كَانَ حَقِيقِي قَلْبِي عَاشِقُكَ
كَانْتُ بَهْوَى فَيْكِ شَخِصِكَ
لَا الْغِنَى وَلَا إِسْمَ أَهْلِكَ

قُلْتُ : آسفة مش هينفع
مهري غالي و مش هتدفع
ولسمايا مش هتطلع
رُوح مكانك تاني و ارجع

هُوَّا يعني عشان صاحبتك ؟
تفتكر يوم هبقى ملكك ؟
أدِّي نفسي لي زيك ؟
إيه جراك .. إيه حكايتك ؟

إلي زِيَّ ؟ .. إيه حكايتي ؟
كنت عايزك .. بس إنتي
هُوَّا حبي كان خطيئتي
وَلَّا عشقي كان جنايتي ؟

كنتي يا ريت اعتذرتي
أَيَّ أَعذار.. كُنْتِي قُلْتِي
أَوْ ضَحَكْتِي أَوْ ابْتَسَمْتِي
أَوْ مَشِيتِي أَوْ سَكَّيْتِي

مَهْمَا يَحْصَلْ مَشْ هَسَامَحِكْ
عُمْرِي مَا انْسَى لِحِظَةِ جَرَحِكْ
بَسْ هَنْسَى ائْتِي عَشَقْتِكْ
أَوْ عَرَفْتِكْ.. أَوْ قَابَلْتِكْ

حُبِّي آه.. مَشْ لِيَّ زَيِّكْ
حُبِّي أَعْلَى وَ أَعْلَى مَنَّكَ
إِبْعَدِي.. خَلِّيكِي عِنْدِكَ
عِيشِي فِي غُرُورِكَ وَ كِبْرِكَ.

مش أكثر من صديقة

أبدأ .. دي مش حبيبتي
مش أكثر من صديقة
دي حبيبتي هيَّه إنتي
و حياتك دي الحقيقة

يمكن هيَّه الي أجمل
جايز هيَّه الي أحلى
بس انتي ف عيني أجمل
إنتي الي ف عيني أحلى


أيوا .. ف أوقات بشوفها
أيوا .. بنقول كلام
بس انتي الي عاشقها
إنتي .. ومفيش كلام

بيني و بينك معاني
ما عاشتهاش واحدة ثانية
وَدّ و عِشق و أمانِي
مش سهل تضيع في ثانية

ما تحسّيش أي خوف
مش ممكن ههوى غيرك
أنا مهما اعرف و اشوف
قلبي هيفضل أسيرك

أنا قلبي بين إيديكي
أنا حُبِّي ليكي وحدك
أنا عُمرِي وهبتهُ ليكي
هفضل على طول احبّك

لو بتعدّي السنين
ليكي يزيد اشتياقي
ويزيد ليكي الحنين
ويزيد ويّاه وفائي .



تسليمي

تسليمي .. تسليمي
حُب يوهبني .. حياتي
عطف يهون أهاتي
فجر بينوري ليلى

سنين عدت وانا معاكى
تحببني .. وترعيني
ووقت الشدة بقلباكي
وانا خايف .. تضميني

جميلة انتى فى وقت الحُب
رقية بقلبك الصافى
وأوقات انتى ليا الأم
حنونة بحضنك الدافى

معايا.. ياما اتحمّلتني
حاجات صعبة وقاسية كثير
وياما غلِطْتُ و سَاحَتِي
عشان قلبِك تَمَلِّي كبير

و دايماً كنتي ويايا
وانا مكسور.. وانا مهزوم
ودايماً جنبي و معايا
عشان اهزم هزيمتي واقوم

و لَسَّه معايا يا حبيبتي
و لَسَّه حياتنا قُدَّامنا
نكَمِّل بعض انا و انتي
نَحَقِّق كل أحلامنا.

قلبك مش معايا

تَبَقَى غَلْطَةُ لَوْ نِكْمَلْ

وَإِنْتَ مَش حَاسِسْ هَوَايَا

مَهْمَا تَكْذِبْ أَوْ تَجْمَلْ

إِنْتَ قَلْبِكَ مَش مَعَايَا

بَبَقَى قَاعِدَةُ مَعَاكِ وَحَاسَّة

إِنَّ فِكْرَكَ رَاحْ بَعِيد

تَبْتَسِمُ وَأَنَا بَرْدُو عَارِفَة

إِنَّ قَلْبِكَ مَش سَعِيد

إِلَيَّ كَتَّ قَبْلِي فِي حَيَاتِكَ

لِسَّهْ رُوحَهَا سَاكِنَة فِيكَ

طَيْفَهَا بِيَمُرُّ فِي خِيَالِكَ

صَوْتَهَا دَائِمًا بَيْنَادِيكَ

كُنْتُ مَرَّةً بَتْنَادِينِي
رُحْتُ نَاطِقَ إِسْمِهَا
وَقْتُهَا أَتَاكَدْتُ .. إِنَّكَ
لِئْسَهُ عَايِشَ حُبِّهَا

حَتَّى لَمَّا تَجِيبُ هَدِيَّةَ
بَلَقَى ذَوْقَهَا وَرُوحَهَا فِيهَا
تِيْجِي وَتَقُولِي دِي لِيَا
وَإِنَّتَ قَصْدَكَ تَبْقَى لِيهَا

هَيَّ غَايِبَةً .. بَسْ حَاضِرَةً
مَهْمَا بَتَخَيِّي .. بِشَوْفِكَ
مِشْ هَقُولُكَ .. إِنَّتَ أَدْرَى
بَسْ خَايِفَ مِنْ كَسُوفِكَ

كنت فاكرة أنّك نسيتهـا
وإنّ روحها بعيدة عَنّا
بس في الآخر لقيتهـا
واقفة طول الوقت بينّا

مش ف صالحي أوف صالحك
إنّ مشوارنا دا يكمل
لو هترضى تغش نفسك
مستحيل انا ممكن اقبل

مش هقول كان لعب بيّا
مش هقول اني اتخدعت
بس أحسن .. ليك وليّا
تمشي وتقول : انسحبت

إِنَّتَ حَبَّيْتِ تَبْقَى لِيَا
بَسَ فِي الْآخِرِ فَشَلْتِ
لَوْ نَكَمَّلْ لِحِظَةِ ثَانِيَةِ
نَبْقَى بِنَضِيعٍ فِي وَقْتِ .

عندي شك

خَلَّيْتِنِي انْتِي .. بِنَفْسِكَ
عندي حيرة و عندي شك
تَبْقِي بَسْ تَلُومِي نَفْسِكَ
لَمَّا فِيكِ احْتَارَ وَ اشْك

في البداية .. جيت سألتكِ
لو حبيب ساكن في قلبكِ؟
كان ف نفس اللحظة ردّكِ
إِنِّي هَبَقِي كُلَّ حُبِّكِ

قُلْتِي : كان في حياتي ماضي
بس عدّى و راح بعيد
كل شيء دلوقتي عادي
و النهاردة يوم جديد

إفتكرت انك صريحة
وكل واحد عنده ذكرى
والصراحة كت مريحة
والمهم الجاي بكرة

بعد كده ظهرت حاجات
كنت انا بشوفها .. غريبة
كان عليكي تصرفات
كلها .. كانت مريبة

لو سألتك كُنتي فين
كُنتي بتخبّي .. عليّا
كت إجابتك رُحتي حتّة
وانتي رُحتي حتّة تانية

كان يجيلك الاتصال
كُنْتِي ما تردِّش عليه
أو كلامك يبقى غامض
سِرَّ عندك بتداريه

إنْتِي مش كُلك معايا؟
كل قلبك ده .. عشاني؟
ولَّا حُبِّي مش كفاية؟
قُلْتِي لازم حُب تاني؟

إنْتِي لو قُدَّامي واضحة
مستحيل انا اشك فيكي
لكن انتي ف كل لحظة
بلمح الغدر ف عينيكي

إيه كمان مِنِّكَ هِيَحْصَلْ؟

مستحيل ليكي هَآمِن

صعب أوي قِصْتْنَا تِكْمَل

والخداع قُدَّامِي بَايِن.

أحلى اثنين

شايقين رُوحنا و غيرنا شافُونا
وانتَ معايا .. أحلى اثنين

والعُشَّاق دائماً يشوفونا
مع بعضينا.. يقولوا : دول مين؟

والوردة جنبها الوردة
دايماً بردو علينا باصين

حتى نجوم السما وقمرها
يمكِّن بغرامنا عارفين

قلبي وقلبك .. رُوحِي ورُوحك
بقوا في الحب خلاص دايبين

و بنتسابق بين بعضينا
مين فينا الي هيسعد مين

لو واحد كت نفسهُ ف حاجة
التاني يجيبها و لو فين

الحاجة الي تفرّح واحد
التاني يحطّها في العين

و الحاجة الي بيزعل منها
ما يعملهاش لو علشان مين

آه .. بنتعائب و بنتخاصم
دا بيحصل بين أي اتنين

لكن عُمرهُ ف يوم ما خصامنا
طَوَّلْ أَكْثَر مِن سَاعَتَيْنِ

بِتَقُول كَلِمَةً وَبَقُول كَلِمَةً
تِلْقَانَا عَلَى طَوَّل رَاجِعَيْنِ

نِنْسَى خَصَامَنَا ..نِنْسَى زَعْلَنَا
وَالْآخِر بِنُروُح ضَاحِكَيْنِ

آدِي حَيَاتِنَا ف هَنَا بِنَعِيشَهَا
فَاتت فِيهَا سَنِين وَ سَنِين

عُمر ما وَاحِد يَقْدَر يَفْرَح
وَالثَانِي مِن جَنْبِهِ حَزِين

عُمْرُ مَا حَاجَةً تَفَرَّقَ بَيْنَا

لَوْ حَتَّى مَشَّ مِتَّفَقَيْنِ

بِنَشُوفِ الْعَالَمِ دَهْ جَنَّةَ

طُولِ مَا أَحْنَا فِ حُبِّنَا عَاشِينَ.

وقت الحساب

إلي سامعاه مش مفاجأة
أصلي بَطَلت السكوت
هُوَّا إيه الي هيبقى ..
بعد ما الإحساس يموت؟

و النهاردة .. ده قراري
تَتَقَطع كل الخيوط
النهاردة .. دا اختياري
تَتَقِفِل كل الخطوط

مش صحيح انّ القرار دا
وصلتلهُ كده مرة واحدة
البداية زمنها عدَّى
و النهاية جَت النهاردة

كل يوم كُت ليكي غلطة
حاجة بتضايق جديدة
لَمَّا جَت آخر محطة
كُت نهاية مش سعيدة

عُمري ما شفت اهتمامِك
أوفي يوم كان ليكي دُور
كُل كلمة مِن كلامِك
كُت برود مِن غير سُعور

لَمَّا كُنت ف مرّة بحزن
عُمري ما لقيت لهفتِك
لَمَّا كُنت ف مرّة بفرح
عُمري ما لقيت فرحتِك

كل يوم كانت هَوَايَتِكَ
إِخْتِلَافٌ وَخَصَامٌ جَدِيدٌ
زَيِّ مَا تَقُولِي سَعَادَتِكَ ..
إِنِّي أَبْقَى مَشْ سَعِيدٌ

كل يوم في مسافة بَيْنًا
كل يوم عن قَبْلُهُ بُعْدٌ
أَلْفُ حَاجَةٍ وَاقِفَةٌ بَيْنًا
وَاسْمِنَا عَايِشِينَ لِبَعْضٍ

لَمَّا نَبْعِدْ مَشْ هَنْتَعَبُ
وَالْحِكَايَةُ هَتَبَقِي سَهْلَةٌ
حَتَّى أَحْسَنَ لَمَّا نَهْرَبُ
مِنْ حَيَاةٍ صَعْبَةٍ وَ مُمَلَّةٍ

مش هكَمِّل باقي عُمرِي
يوم خِصام مع يوم عِتاب
إنتي خَدِتي كُلَّ صَبْرِي
وانتهى وقت الحساب.

بنت م الحي الفقير

مش هتكسِف لو يتعرف..
أنا بنت م الحي الفقير
أهلي هنا .. عيشتي هنا
زَيِّ هنا .. في ناس كثير
في فقر .. في زحمة و شقا
لكن في قلب وفي ضمير
و خناق يقوم من غير سبب
لكن قلوبنا من الحرير
تصفَى أوام زي اللبن
و الزعلة و الحمقة .. تطير
م الوحشة و العيب فختشي
ع الست و الشابة .. نغير

مش يعني علشان مِن هنا
نَبْقَى زبالة و شيء حقير
في مِنَّا ناس تعجب أوي
في مِنَّا عالم .. في وزير
و ف كل حَتَّة في البلد
لينا هناك مليون سفير
إتولدوا و اتربُّوا هنا
و مِن هنا بدأوا المسير
حتى الي سايب حِينا
بيزورنا .. و ف أوقات كتير
مش يعني علشان مِن هنا
نَبْقَى ف تحلُّف و ف تأخير

لَمَّا انتَ قلبك حَبْنِي
أنا كنت عندك شيء كبير

العِقَّةَ والذوق والأدب
والحِكمة والعقل البصير
وشياكتي وجمالي العجب
جدعة وبعشق كل خير
يعني ما حَبَّيتش المكان
ولا بنت ولا أخت الأمير
ولا كنت انا بضحك عليك
بكلامي عن عالم مُثير
طب لَمَّا تعرف عايشة فين
ليه فجأة يحصلك تغيير ؟
و كأن صدمة هزَّتكَ
وعرفت عني شيء خطير؟..
حكمة هقولها لك بقي
لو زَيَّ بتحب التفكير:
لو جيت تدورع الذهب
فين هتلاقيه.. دا شيء أخير

بتروح لصحرا أو جبل
وأمّا تلاقيه .. تَفْرَح .. تطير
وَقِيَمَتِهَا فيها .. اللؤلؤة
في البحر كانت أو في بير
والْحَصُوة حَصُوة لو بَقِت..
في الخزنة في القصر الكبير
مش هتكسِف لو يتعرِف..
أنا بنت م الحي الفقير.

تستاهلي كثير

لو هقول تستاهلي إيه . .
تستحي حاجات كثير
عُمري مع عُمَريْن عليه
مِش هيبقوا شيء كبير

الوجود يبقاله معنى
طول ما كنتي في الوجود
والحياة دي تبقى جنة
في الهنا ماهاش حدود

إنتي دُنيا .. فيها وحدك
إنتي مِن نوعك وحيدة
لو يقولوا .. واحدة زيَّك
كلمة مش هتكون أكيدة

في الجمال والحُسن آية
حتى لو نسأل مرايتك
تحكي يبجي ميت حكاية
كُلّها توصف حلاوتك

هيه مين الي ف حنايك ..
والي فيها حُسن طبعك ؟
شَهد بيدوب مِن لسانك
لَمَّا تطلع كلمة مِنك ؟

روحك الحلوة البريئة
فيكي بتزيد الجمال
و ابتسامتك الرقيقة
ينشغل لها ألف بال

إِلَي قُلْتُهُ .. حَقِيقِي فِيكِ
مَش بِيَالِغٍ أَوْ بَكْتَر
إِنْتِي مَهْمَا اتَقَالَ عَلِيكِ
إِلَي مَا قُلْتَوْش .. دَا أَكْتَر .

مَهْمَا يَطْوُلُ غِيَابُكَ

بتغيب كثير عليًا
لكن عارفك هترجع
لو مش قدام عينيًا
قلبي لقلبك بيسمع

على أشواقي ما بقدر
لما تطوّل في غيبتك
لكن على شوقي بصبر
و بقول دا غصب عنك

حاضر حتى ف غيابك
كل حاجة .. ليك بتشهد
صورتك .. قلمك .. كتابك
فيها ريمحتك مهما تبعد

كل رُكن وفيه حكاية
تُحكى عن أشواق و حُب
لَمَّا يوم يتكون معايا
واحنا قلبين .. صبحوا قلب

لَمَّا يجيني اتصالك
بتلف الدنيا بيَّا
بَلَقَى ف صوتك وصالك
و بترجع روجي ليَّا

يوحسني ساعات لُقاك
و آخذ صورتك في حُضني
و بروحي بدوب معاك
و كائنك فجأة جيتني

مَهْمَا تَبْعِدُ أَوْ تَغِيبُ
إِنْتَ فِي غِيَابِكَ مَعَايَا
رُوحِي فِيكَ .. أَنْتَ الْحَبِيبُ
إِلَيَّ بُعْدُهُ يَزِيدُ هَوَايَا

عُمُرُهُ لِحِظَةٍ مَا قَلَّ حُبِّي
لِلنَّهَايَةِ أَنَا مُخْلِصَاكَ
إِنْتَ دَائِمًا جُودًا قَلْبِي
مَهْمَا يَطْوِلُ غِيَابُكَ .

الحُب ماهوش مجاملة

الحُب ماهوش مجاملة
ولا حاجة نهادي بيها
مش هقدر اقول : بحبّك
غير لّي هحس بيها

عارفك ميّالة .. شايف
عينك دايمًا تقول
لكن .. أنا قلبي .. آسف
بغرامك .. مش مشغول

مش شايف فيكي عيب
طب إيه هُوا الي ناقصك؟
بس الشيء الغريب ..
مش قادر إنّي احسّك

يَمَكِّن شَايِفَانِي حَلِيمِكَ . .

دَا شَعُور غَالِي عَلِيَّا
لَكِن عُمْرِي مَا شُفْتِكَ
أَكْثَر مِنْ أُخْت لِيَا

لَوْ كُنْتِي أَنْتِي فِي مَكَانِي
كُنْتِي هَتَقُولِي زَيِّي :
عَارِفَاه عَايش عَشَانِي
لَكِن مَا لَمَسْش قَلْبِي

لَوْ كَانَ فِي إِيْدِيَّا قَلْبِي
كُنْتُ أَمْرْتُهُ .. يَحْبِّكَ
كُنْتُ هَقُولُهُ : يَا قَلْبِي
حَبِّ الْيَا أَمْلَهَا حُبَّكَ

عُمري ما قصدت زعلِك
ولا جرحِك هُوَا قصدي
لكن .. لو صدق يجرح
أحسن مِن كِذب يرضي

لكن حُبِّك .. أكيد
شيء غالي كثير عليَّ
أنا حظي مش سعيد
برفُض أجمل هِدْيَةٍ .

بقلي عرفتك

(صورة ذهنية لفتى أحلامها الذي لم تصادفه بعد)

يا الي عمري ف يوم ما شفتك

بس انا بقلي .. عرفتك

من زمان برسم في شكلك

نفسى ييجي يوم ما اقابلك

في .. كثير .. شفته وعرفته

بس مافيهومش الي احبه

لسه بستناك تحبيني

يا الي ادوب في هواك و احبك

صورة برسمها ف خيالي

مش هقول انك مثالي

بس بعيوبك عاجيني

بعشقك و بدوب في حُبك

فيك شهامة وذوق ومجدع
في الكلام عُمرُك ما ترجع
بس أوقات لَمَّا تغضب
نار ساعتها تقيد في وشك


في الجمال مش نجم سيما
بس تقاطيعك وسيمة
وف عيونك سحر يقتل
والعيون دايرة ف شياكتك

عامل ايه .. ازَيِّ حالك ؟
إيه بيشغل عني بالك ؟
شُفتني مرّة ف خيالك ..
زَيِّ ما كتير شُفت صورتك ؟

يا تَرى لو يوم صادفتك ..
تَبقى لَيّا وَتَبقى طِيرِي ؟
وَلّا جايِز لما اقابلك ..
أَلقى حُبِي ف حُضن غِيرِي ؟

آه لو اعرِف فين مكانك
مين قرايبك .. مين جيرانك ؟
لوف آخر الدنيا ساكن
قُولِي فين و أكيد هروحلك

بُكره نتقابل في صدفة
صدفة حسّاه.. و شايقة
هعرفك و هقول يا عُمرِي
خُذ حياتِي و عُمرِي مِلْگك .



حِلوة ابتسامتك

قدّ إيه حلوة ابتسامتك
لَمَّا بتنوّر في وِشّك
قدّ إيه بتزيد في حُسنك
كُل حُسن يبقي صورتك

لَمَّا تبتسمي .. حدودك
فيها بتفتح ورود
النسيم يشتاقي ييوسك
والعبير من غير حُدود

لَمَّا تبتسمي .. شفايفك
يبقوا أحلى كرزتين
لَمَّا اشوفهم ببقى شايفك
فيكي أجمل جنتين

لَمَّا تبتسمي .. عينيكي
منها يطلع أحلى نور
يفرش الكون بين إيديكي
والنهار يفضل شهور

لَمَّا تبتسمي ابتسامتك
في حاجات تحصل كثير
تستخبي الشمس منك
والقمر منك يغير

إبتسامتك سحر ساحر
بيها تتعلق قلوب
لَمَّا اشوفها يبقى شاعر
فيكي بتغزل وادوب

إبتسامتِك دي .. تَحَلِّي
كُل حاجة ف عيني حلوة
ألقى كل الكون يغني
تبقى كُـل الدنيا غنوة .

مين مالوش ماضي؟

مين فينا يا حبيبي مالوش ماضي؟
مين فينا ما كانش ف يوم بيحب ؟
حاجة طبيعية و شيء عادي
إِنّ انا قلبي من قبلك .. حَبّ

بيني و بينه كان في إعجاب
قُلْنَا: نَقَرَّب .. هِيَكُون أَجْمَل
إِتَعَرَّفْنَا و ظهرت أسباب
خَلَيْتِنَا نَقُول : مش هَنَكْمَل

ما انكرش اني ف يوم حَبَيْتُهُ
كان هُوَا غرامي و كان حُبي
لَمَّا عَرَفْتَك .. كُنْتَ نَسِيْتُهُ
و لَوَحَدَك كُنْتَ اَنْتَ ف قلبي


أَيُّوَا اَنَا حَنَيْتِلُهُ وَحَبَيْتُهُ
أَنَا قَلْبَ وَرُوحَ اتَخَلَقُوا فِ بَنْتِ
مَشْ أَكْثَرِ مِنْ حُبِّي اَدَيْتُهُ
لَكِنْ أَبَدًا .. وَلَا مَرَّةً غِلَطْتُ

كَتْ قِصَّةَ عَادِيَّةَ وَبَرِيئَةَ
وَمُجَرَّدَ قَلْبَ وَمَالٍ لِلْقَلْبِ
وَفِ كُلِّ خِيَالِ بَنْتِ .. حَقِيقَةَ ..
إِنَّهَا بَتَحَبُّ .. إِنَّهَا تَتَحَبُّ

يَعْنِي اَنَا أَوَّلَ وَاحِدَةٍ فِ قَلْبِكَ ؟
يَعْنِي قَبْلِي وَلَا مَرَّةً عَشَقْتُ ؟
مَا هَوَيْتَشْ زَمِيلَتَكَ أَوْ جَارَتَكَ ؟
وَلَا بَتَظْلَمْنِي عِشَانِ اَنَا بَنْتِ ؟

مش بلعب لعبة ولا بمثل
ما خدعتكش ولا كدبت عليك
لو كنت سألت من الأوّل
كنت هجاوبك وهرد عليك

ماضي في حياتي .. لكنّه بريء
وانا شايفة الحاضر بيك أجمل
هوّا الوقتي مش حتى صديق
إنّ الحاضر والمستقبل.



حُبِّكَ خَلَّانِي شَاعِر

حُبِّكَ دَا كَأَنَّهُ سَاحِر
حُبِّكَ خَلَّانِي شَاعِر
بِرِسْمِ أَجْمَلِ مَشَاعِر
وَمَفِيشِ لِمَشَاعِرِي آخِر
بِمِثْيِي وَكَأَنِي طَايِر
هَائِمٌ فِي هَوَاكِي حَايِر

إِنِّي الشَّمْسُ الْجَرِيئَةُ
تَطْلَعُ .. وَالْكُونُ يَنْوِّرُ
إِنِّي النِّسْمَةُ الرَّقِيقَةُ
تُنْشُرُ فِي الْجَوِّ عَنَبَرُ
إِنِّي الْبَسْمَةُ الْبَرِيئَةُ
فِ وِشِّ الطِّفْلِ الصُّغَيْرِ

إنّتي عبير الزهور
وانّتي جمال الربيع
إنّتي .. موج البحور
وانّتي اللحن البديع
إنّتي الدفا .. والنور
ونسيم صافي ووديع

إنّتي النهار والليل
والقمرّة في الليالي
إنّتي .. ضيّ الأصيل
والنجمة في العلاي
إنّتي الحلم الجميل
إلي منورّ خيالي

إنتي هوايا و مُنايا
وانتي كل الحبايب
إنتي .. أجمل حكاية
يحكيها قلب دايب
إنتي الوحي الي يلهم
الفكرة لكل كاتب

إنتي الفجر الي طالع
مع يوم نادي و جديد
إنتي الأمل الي راجع
وانتي بُكره السعيد
إنتي فوق كل وصف
مهما هقول أو هعيد

إنّتي بشوفك بعيني
أحلى ما سبحانه صَوَّر
محتاج عُمرِي و سِنيني
علشان عَنَّاك أَعْبَر
مهما هيوصف كلامي
إنّتي .. أَجْمَل وأَكْبَر.

إنتَ ليه ف حُبِّك بخيل؟

حاجة مِنِّي وَلَا مَنَّكَ؟
عيب دا عندي وَلَا عِنْدَكَ؟
نَفْسِي أَعْرِف بَس مَنَّكَ..
إنتَ ليه ف حُبِّك بخيل؟

كُلُّ كَلِمَةٍ بِالحِسَابِ
وَالسُّؤَالِ قَدْ الجَوَابِ
فِي الرِّضَا زِيَّ العِتَابِ
الكَلَامِ مِنَّنِكَ قَلِيلِ

ليه بِشَوْفَكَ وَشَّ جَامِد؟
ليه بِحَسَّكَ قَلْبَ بَارِد؟
ليه مَفِيشْ أَبَدًا مَشَاعِرِ
وَالْبُرُودُ هُوَا البَدِيلِ؟

حتى لَمَّا بَتَبِتِيسِمْ
بِسْمَةِ باهتة بَتَرِيسِمْ
زَيِّ ما تقول الابدتسامة
شيء على نَفْسَك .. تَقِيل

هُوًّا حُبَّكَ لو ظَهَرَ..
يَبْقَى ذَنْبٌ ما يَتَغْفَرُ؟
وَلَا يَبْقَى ضَعْفٌ مِنْكَ
وَالْمِيزَانُ بَيْنَنَا .. يَمِيلُ؟

الطَّبِيعِي أَنِّي حَبِيبَتَكَ
عِ الْأَقْلَ ابقِ شَرِيكَتَكَ
إِيهِ هِيَجْرِي لو فِي مَرَّة..
جِيت تَقُولِي كَلَامَ جَمِيل؟

يَمَكِّنْ اَنْتَ عَاشِقْنِي وَ اَكْثِرْ .

بس مش عارف تعبّر؟

بس انا مش عايزة مِنْكَ

غير كلام مش مستحيل

مش بقول عايزاك رومانسي

في الهوى تنسّيني نفسي

بس احس اَنَّكَ حبيبي

مش أَحْس اَنَّكَ زميل

مش بقولَّكَ تَبَقَّى شاعِر

بس في حَبَّة مشاعِر

ضحكة صافية.. همسة دافية

دمعة حتى لو تسيل

.....

دا انت حتى ..
دا انت حتى ف لحظة خاصّة
مش بروحك ببقى حاسّة
لحظة بتعدّي ف بلادة
و ف برود ماهوش مثيل

رغم إخلاصي و وفائي
و احترامي و كبريائي
خايفة قُدام غيرك اضعف
و لكلامه اسمع و اميل

لو كارهني .. قول .. صارحني
حتى لو عايز تسينيني
في الحياة أنا و انت لازم
بُكره هنصادف بديل

حاجة مِنِّي وَلَا مِنَّكَ؟
عيب دا عندي وَلَا عندك؟
نَفْسِي أَعْرِفُ بَسْ مِنَّكَ..
إنت ليه ف حُبِّكَ بخيل؟

الفهرس

3	مقدمة.....
7	حسبة ثانية.....
11	مش بالساهل.....
15	في المعادي.....
19	إزاي أسامحه.....
23	فيكي بفكر.....
27	خطوة جد.....
31	مستقي ردك.....
35	قلبي داعيلك.....
39	مش مفتون بيكي.....
43	زي ما قلتيك.....
47	لجل خاطرِكَ.....
51	إنتو حبايب.....
55	دي حقيقتك.....
59	هدأ واصالحك.....
63	إيه يا ضربي ؟.....
67	هقولك رأيي.....

- 71 مِنْ غَيْرِ مَا تَهِينِنِي
- 75 مَشْ أَكْثَرَ مِنْ صَدِيقَةٍ
- 79 تَسْلِمِي
- 81 قَلْبَكَ مَشْ مَعَايَا
- 85 عِنْدِي شَكْ
- 89 أَحْلَى اتْنَيْنِ
- 93 وَقْتُ الْحِسَابِ
- 97 بِنْتُ مِ الْحَيِّ الْفَقِيرِ
- 101 تَسْتَاهِلِي كَثِيرَ
- 105 مَهْمَا بِيَطْوُلْ غِيَابَكَ
- 109 الْحُبُّ مَا هَوْشَ مَجَامِلَةٍ
- 113 بِقَلْبِي عَرَفْتُكَ
- 117 حِلْوَةُ ابْتِسَامَتِكَ
- 121 مَيْنَ مَالُوشَ مَاضِي؟
- 125 حُبِّكَ خِلَافِي شَاعِرَ
- 129 إِنَّتْ لِيَهْ فِ حُبِّكَ بِخَيْلِ؟

